

## PROMOSI DISKAUN YURAN PENDAFTARAN PEWARISAN ASNB ("Kempen")

### Terma dan Syarat

1. Kempen ini dianjurkan oleh Amanah Saham Nasional Berhad (No. Syarikat 197901003200 (47457-V)) ("ASNB").
2. Kempen ini berlangsung pada 1 November 2024 hingga 31 Disember 2024 ("Tempoh Kempen"). ASNB berhak untuk mengubah, menamatkan, menjadualkan semula atau melanjutkan Tempoh Kempen atas budi bicara mutlak.
3. Kempen ini terbuka kepada pemegang-pemegang unit ASNB baharu dan sedia ada yang berumur lapan belas (18) tahun dan ke atas ("Peserta") dan memenuhi kelayakan melanggan perkhidmatan Hibah Amanah atau Pengisytiharan Amanah, juga dikenali sebagai Pewarisan ASNB ("Pewarisan ASNB").
4. Objektif Kempen bertujuan menggalakkan lebih ramai Peserta untuk melanggan perkhidmatan Pewarisan ASNB. Tujuan ini boleh dicapai dengan memberi pengetahuan berterusan mengenai Hibah Amanah dan Pengisytiharan Amanah sebagai instrumen perancangan harta pusaka yang memudahkan waris membuat tuntutan pelaburan unit amanah ASNB selepas ketiadaan mereka.
5. Untuk layak menyertai Kempen ini, Peserta mesti memenuhi syarat-syarat kelayakan berikut:
  - (i) Peserta adalah pemegang unit ASNB yang mempunyai sekurang-kurangnya salah satu daripada tabung unit amanah ASNB;
  - (ii) Peserta perlu mengekalkan baki minimum satu ribu (1,000) unit dalam tabung unit amanah ASNB (tidak termasuk pinjaman/unit bercagar/Skim Pelaburan Ahli KWSP) yang ingin didaftarkan di bawah perkhidmatan Pewarisan ASNB;
  - (iii) Peserta belum lagi melanggan perkhidmatan Pewarisan ASNB;
  - (iv) Peserta mesti menyerahkan dokumen lengkap permohonan perkhidmatan Pewarisan ASNB (rujuk "Tawaran dan Mekanisme Kempen" di bawah) di mana-mana cawangan ASNB semasa Tempoh Kempen; dan
  - (v) Jika Peserta membuat pra-daftar dalam talian untuk permohonan perkhidmatan Pewarisan ASNB, Peserta perlu melengkapkan pra-daftar tersebut semasa Tempoh Kempen dan penyerahan dokumen lengkap di mana-mana cawangan ASNB hendaklah dibuat dalam tempoh sembilan puluh (90) hari daripada tarikh penghantaran pra-daftar dalam talian dan mesti dilakukan dalam Tempoh Kempen.

## Tawaran dan Mekanisme Kempen

1. Kempen ini menawarkan yuran pendaftaran perkhidmatan Pewarisan ASNB seperti berikut:

Penerangan	Yuran Pendaftaran
Mendaftar perkhidmatan Pewarisan ASNB semasa Tempoh Kempen	Ringgit Malaysia Satu Ratus (RM100.00) sahaja

2. Peserta boleh membuat pra-daftar untuk permohonan perkhidmatan Pewarisan ASNB melalui dalam talian terlebih dahulu sebelum penyerahan Dokumen Lengkap di cawangan ASNB atau permohonan terus di cawangan ASNB dan pemprosesan permohonan perlu dilakukan dan diselesaikan dalam Tempoh Kempen.

Proses	Pra-daftar dalam talian	Permohonan terus di Cawangan ASNB
Langkah 1	<ul style="list-style-type: none"> <li>Lengkapkan pra-daftar dalam talian di portal myASNB (<a href="http://www.myasnb.com.my">www.myasnb.com.my</a>)</li> </ul>	<ul style="list-style-type: none"> <li>Hadir ke cawangan ASNB berdekatan.</li> </ul>
Langkah 2	<ul style="list-style-type: none"> <li>Cetak dan lengkapkan dokumen berikut (“Dokumen Lengkap”):               <ul style="list-style-type: none"> <li>(i) Surat Kuasa Wakil</li> <li>(ii) Dokumen salinan pengenalan diri pemberi, penerima/penjaga dan saksi yang telah disahkan benar daripada salinan asal</li> <li>(iii) Borang Lafaz Pemberian dan Penerimaan Harta Hibah PH1A(A)*(Akad) yang telah ditandatangani oleh pemberi Hibah, penerima/ penjaga dan saksi-saksi (untuk permohonan Hibah Amanah sahaja)</li> </ul> </li> </ul>	<ul style="list-style-type: none"> <li>Lengkapkan dokumen berikut (“Dokumen Lengkap”):               <ul style="list-style-type: none"> <li>(i) Borang Permohonan PH1A/PH1B*</li> <li>(ii) Surat Kuasa Wakil</li> <li>(iii) Dokumen salinan pengenalan diri pemberi, penerima/penjaga dan saksi yang telah disahkan benar dari salinanasal</li> <li>(iv) Borang Lafaz Pemberian dan Penerimaan Harta Hibah PH1A(A)* (Akad) yang telah ditandatangani oleh pemberi Hibah, penerima/penjaga dan saksi-saksi (untuk permohonan Hibah Amanah sahaja)</li> </ul> </li> </ul>
Langkah 3	<ul style="list-style-type: none"> <li>Serahkan Dokumen Lengkap seperti yang dinyatakan di Langkah 2 dan lengkapkan pendaftaran di cawangan ASNB dalam tempoh sembilan puluh (90) hari daripada tarikh penghantaran pra-daftar dalam talian. Sekiranya penyerahan ke cawangan ASNB dilakukan selepas sembilan puluh (90) hari, Peserta perlu melakukan semula pra-daftardalam talian.</li> </ul>	<ul style="list-style-type: none"> <li>Serahkan Dokumen Lengkap seperti yang dinyatakan di Langkah 2 untuk melengkapkan proses permohonan.</li> </ul>

*Nota: 1. Peserta dinasihatkan membuat janji temu untuk berurusan di cawangan ASNB melalui laman web ASNB di [www.asnb.com.my](http://www.asnb.com.my).*

*2. Penyerahan Dokumen Lengkap mesti dilakukan semasa Tempoh Kempen dari 1 November 2024 sehingga 31 Disember 2024 untuk layak menerima tawaran Kempen.*

*3. \*Borang PH1A/PH1B terkini (V.01/2021) dan Surat Kuasa Wakil boleh dimuat turun dari laman web ASNB di [www.asnb.com.my](http://www.asnb.com.my).*

**Contoh**

Berikut adalah contoh beberapa senario menggambarkan bagaimana untuk memenuhi syarat mendapat tawaran Kempen. Senario di bawah hendaklah dirujuk kepada perkara-perkara di bawah Kelayakan.

**Senario 1:**

*Peserta hadir ke cawangan ASNB semasa Tempoh Kempen dan menyerahkan Dokumen Lengkap untuk pendaftaran perkhidmatan Pewarisan ASNB. Peserta layak mendapat tawaran Kempen dengan Ringgit Malaysia Satu Ratus (RM100.00) yuran pendaftaran.*

**Senario 2:**

*Peserta melengkapkan pra-daftar dalam talian untuk Pewarisan ASNB dalam bulan Oktober 2024. Pada 1 November 2024, Peserta menyerahkan Dokumen Lengkap di cawangan ASNB. Peserta tidak layak mendapat tawaran Kempen dengan Ringgit Malaysia Satu Ratus (RM100.00) yuran pendaftaran kerana pra-daftar dalam talian dibuat sebelum Tempoh Kempen.*

*Peserta boleh melakukan salah satu daripada pilihan berikut untuk layak tawaran Kempen:*

- (i) Lakukan semula pra-daftar dalam talian dan serahkan dokumen yang lengkap di cawangan ASNB dalam tempoh sembilan puluh (90) hari setelah penghantaran pra-daftar dalam talian dan mestilah semasa Tempoh Kempen; atau*
- (ii) Daftar Pewarisan ASNB secara terus di cawangan ASNB semasa Tempoh Kempen.*

**Senario 3:**

*Peserta menyerahkan Dokumen Lengkap di cawangan ASNB pada 30 September 2024. Peserta tidak layak untuk mendapat tawaran Kempen dengan Ringgit Malaysia Satu Ratus (RM100.00) yuran pendaftaran kerana serahan Dokumen Lengkap permohonan Pewarisan ASNB dilakukan sebelum Tempoh Kempen. Peserta perlu membayar yuran pendaftaran pada kadar biasa sebanyak Ringgit Malaysia Seratus Lapan Puluh (RM180.00) jika ingin mendaftar untuk perkhidmatan Pewarisan ASNB.*

**Senario 4:**

*Peserta melengkapkan pra-daftar dalam talian untuk Pewarisan ASNB pada bulan November 2024. Pada bulan Januari 2025, Peserta menyerahkan Dokumen Lengkap permohonan Pewarisan ASNB di cawangan ASNB dan serahan Dokumen Lengkap dilakukan dalam tempoh sembilan puluh (90) hari setelah penghantaran pra-daftar dalam talian. Peserta tidak layak menerima tawaran Kempen dengan Ringgit Malaysia Satu Ratus (RM100.00) yuran pendaftaran kerana serahan Dokumen Lengkap dilakukan selepas Tempoh Kempen. Peserta perlu membayar yuran pendaftaran pada kadar biasa sebanyak Ringgit Malaysia Seratus Lapan Puluh (RM180.00) jika ingin mendaftar untuk perkhidmatan Pewarisan ASNB.*

**Lain-lain Terma dan Syarat**

1. Dengan menyertai Kempen ini, Peserta telah bersetuju dengan Terma dan Syarat Kempen ini. Keputusan ASNB, sebagai penganjur, adalah muktamad dan sebarang rayuan dan/atau pertikaian tidak akan dilayan.
2. ASNB tidak akan bertanggungjawab ke atas sebarang kerosakan atau kerugian, samada secara langsung atau tidak langsung, yang berlaku berkaitan dengan Kempen ini. ASNB juga tidak boleh

dipertanggungjawabkan jika berlaku sebarang kejadian bencana semula jadi, peperangan, rusuhan, mogok, sekatan, tindakan perindustrian, kebakaran, banjir, kemarau, ribut, pandemik, kegagalan teknikal atau sistem atau sebarang kejadian yang di luar kawalan ASNB.

3. ASNB berhak untuk meminda, memendekkan, membatalkan, menggantung atau menamatkan Kempen ini secara keseluruhan atau sebahagian atau untuk mengubah, memadam atau menambah mana-mana Terma dan Syarat Kempen ini pada bila-bila masa dengan memberi notis bertulis melalui [www.asnb.com.my](http://www.asnb.com.my) atau saluran media sosial ASNB.
4. ASNB berhak untuk menarik semula/membatalkan penyertaan mana-mana Peserta yang tidak mematuhi Terma dan Syarat seperti yang dinyatakan dan/atau didapati atau disyaki telah mengganggu proses Kempen atau perjalanan Kempen ini. Gangguan yang dimaksudkan merangkumi kegiatan penipuan yang melibatkan sebarang tipu daya, penipuan dan/atau pemalsuan berkaitan dengan Kempen.
5. ASNB tidak akan bertanggungjawab atau dipertanggungjawabkan atas sebarang kerugian yang ditanggung oleh Peserta yang berpunca secara langsung atau tidak langsung daripada penglibatan Peserta dalam Kempen ini.
6. Terma dan Syarat Kempen ini akan mengatasi mana-mana peruntukan atau kenyataan berkaitan Kempen ini yang terkandung dalam mana-mana bahan-bahan promosi sama ada bercetak atau elektronik.
7. Terma dan Syarat Kempen ini tertakluk pada undang-undang Malaysia dan Peserta bersetuju tertakluk kepada bidang kuasa Mahkamah-Mahkamah Malaysia.
8. Sekiranya terdapat sebarang percanggahan atau konflik di antara versi Bahasa Inggeris dan Bahasa Melayu bagi Terma dan Syarat Kempen ini, versi Bahasa Inggeris akan terpakai.
9. Pengiklanan Kempen dengan Terma dan Syarat ini tidak disemak oleh Suruhanjaya Sekuriti Malaysia.